

आकाशवाणी

1. सरकार नै पूरे मुल्खे च ट्रांसपोर्ट सेक्टर लेई पी.एन.जी ते सी.एन.जी घरेलू सप्लाई दी 100 प्रतिशत भरोसा दोआया ऐ।
2. प्रधानमंत्री नरेंद्र मोदी होंरें आखेआ ऐ जे भारत ते ओमान नै इलाके च शांति ते स्थिरता गी प्राथमिकता देना मन्नी लैता ऐ।
3. प्रधानमंत्री नरेंद्र मोदी होंरें पच्छिम एशिया दी स्थिति पर फ्रांस दे राष्ट्रपति इमैनुएल मैक्रों हुं'दे नै गल्ल कीती।
4. भारती चुनांस आयोग नै असम, केरल, पुदुचेरी, तमिलनाडू ते पच्छिम बंगाल च 85एं बरें थमां मती बरेसू दे ते दिव्यांग मतदाताएं लेई ाक राहें मतदान दी सहूलत दिती ऐ।
5. रक्षा मंत्री राजनाथ सिंह होंरें आखेआ ऐ जे भारत गी ड्रोन उत्पादन दे खेत्र च वैश्विक केंद्र दे तौर पर उभरना होग।
6. भारती जनता पार्टी नै पच्छिम बंगाल ते असम असेंबली चुनाएं गितै अपने मेदवारें दी फेहरिस्त जारी कीती ऐ।

<><><><><><>

West-Asia

सरकार नै आखेआ ऐ जे पूरे मुल्खे च ट्रांसपोर्ट सेक्टर लेई घरेलू पी.एन.जी ते सी.एन.जी दी 100 प्रतिशत सप्लाई दी बवस्था पक्की करी लैती गेदी ऐ। अज्ज नमीं दिल्ली च पच्छिम एशिया दे ताजा हालात बारै इक अंतर मंत्रालय किट्ठ गी संबोधित करदे होई पेट्रोलियम ते कुदरती गैस मंत्रालय दिएं संयुक्त सचिव सुजाता शर्मा होंरें आखेआ जे तकरीबन 1 लकख 25 जहार घरेलू ते बवसायिक कनेक्शन 2 हफ्तें दे अंदर-अंदर जारी कीते गए न। उनें आखेआ जे पिछले 3 दिनें च 5 जहार 600 उपभोक्ताएं सफलता कन्ने पीएनजी बरतना शुरू करी दिता ऐ। एलपीजी बारै गल्ल करदे होई उनें आखेआ जे 17एं राज्य सरकारें बागुजारी आहले हुकम जारी करी दिते दे न ते सबनें राज्यें ते केंद्र शासित प्रदेशों गी कमर्शियल एलपीजी सप्लाई हासल करोआई जारदी ऐ। उनें दस्सेआ जे केंद्र ने सबनें राज्य सरकारें गी पीएनजी नेटवर्क गी बधाने लेई अपना सहयोग देने लेई आखेआ ऐ ते एहदे लेई 10 प्रतिशत बादू कमर्शियल एलपीजी देने दी

बी पेशकश कीती ऐ। गैर कन्नूनी भंणारन ते कालाबजारी खत्म करने लेई उनें आखेआजे केंद्र सरकार नै सबनें राज्यें गी लिखी भेजेआ ऐ जे ओह इस भेठा अपना ऐतराज दर्ज करान ते यकीनी कनन जे इस गैर कन्नूनी गतिविधि गी रोकेआ जा।

<><><><><><><><>

PM-Oman

प्रधानमंत्री नरेंद्र मोदी होंरें अज्ज सलतनत ऑफ ओमान दे सुल्तान हैथम बिन तारिक हुंदे नै गल्ल कीती। अपनी इक सोशल मीडिया पोस्ट च प्रधानमंत्री होंरें आखेआ जे भारत ते ओमान नै प्रांतै च शांति ते स्थिरता बनाई रखने लेई गल्लबात आहली प्रक्रिया गी प्राथमिकता देने दा फैसला कीता ऐ। उनें ओमान दी अखंणता ते दुखमुख्तयारी दी उल्लंघना दी निंदेआ कीती। फसे पेदे ज्हारां बद्दे लोकें गी सुरक्षित उंदे मुख्य पजाने लेई जिंदे च भारती बी शामिल न, उनें ओमान दिएं कोशिशें दी सराहना कीती। प्रधानमंत्री होंरें मलोश्या दे प्रधानमंत्री अनवर इब्राहिम हुंदे कन्नै बी गल्ल कीती ते उनेंगी औने आहले त्यौहार, हरि-राया-ए-दिलीफित्री दी मुबारकबाद दिती।

<><><><><><><><>

PM-France

प्रधानमंत्री नरेंद्र मोदी होंरें अज्ज फ्रांस दे राष्ट्रपति इमैनुएल मैक्रों हुंदे कन्नै बी गल्लकत्थ कीती ते पच्छिम एशिया दे हालात पर चर्चा कीती। उनें जंग जनेह हालात खत्म करने पर जोर पाया। उनें आखेआ जे लीणर प्रांतै च ते सबनें थाहें शांति ते स्थिरता दी बहाली आहली भेठा अगड़े निहाला'रदे न।

<><><><><><><><>

ECI-Voters

असम, केरल, पुदुचेरी, तमिलनाडू ते पच्छिम बंगाल च होने आहले असेंबली चुनाएं ते 6एं राज्यें च उपचुनाएं शा पैहलें चुनां आयोग नै 85एं बरें शा मती बरेसू आहले मतदाताएं ते दिव्यांग मतदाताएं गी णाक राहें अपना मतदान दर्ज करोआने दी सहूलत दिती ऐ। चुनां आयोग नै आखेआ ऐ जे योग्य मतदाता चुनां अधिसूचना जारी होने पर 5एं दिनें दे अंदर-अंदर बूथ सतह दे अफसर दी मदाद कन्नै 12-पी आवेदन पत्र राहें अपना आवेदन करी सकदे न।

राष्ट्रपति होर उत्तर प्रदेश दे 3 दिनें दे दौरे पर न। राष्ट्रपति होरें राम जन्मभूमि मंदरें दे अहाते च केइएं थाहें दे दर्शन कीते ते आरती कीती। उनें श्री राम यंत्र स्थापना आयोजन च बी हिस्सा लैता। श्री राम यंत्र दी स्थापना अज्ज मंदरें दी दुई मंजल च वेद मंत्रें दे उच्चारण कन्नै कीती गई। इस मौके उत्थे मौजूद लोकें गी संबोधित करदे होई राष्ट्रपति होरें आखेआ जे जिसलै अस मुखै ताई प्रार्थनां करनेआं ते भगवान राम लेई प्रार्थना करने आं तां भाव दौनें मौके इक्कै होंदा ऐ। उनें आखेआ जे भगवान राम दी अयोध्या अज्ज इस मौके पर असें सबनें गी प्रण लैना चाहिदा जे अस अपने देसै गी ब्रह्मां दे शिखर तगर लेई जागे। इस मौके बोलदे होई राज्य दे मुखमंत्रि योगी आदित्यनाथ होरें आखेआ जे अज्जै दा भारत छड़ा न्यू इण्डिया गै नेई-इक बदलौंदा भारत ऐ। उनें आखेआ जे पिछले तकरीबन 1 बजे च 158 करोड़ श्रद्धालुएं राज्य च बकख-बकख मंदरें दे दर्शन कीते। उनें अज्जै दी नौजवान पीढ़ी, धार्मिक स्थलें दी यात्रा च बशेष रुचि रखदी ऐ। मंदरें दे निर्माण कम्म च लग्गे दे कम्मगारें गी राष्ट्रपति होरें सम्मानित बी कीता।

<><><><><><><><>

HYDRO-Projects

इक्क इयै लेया फैसला जेदे कन्नै जम्मू-कश्मीर ते लद्दाख केन्द्र शासित प्रदेशें गी बड़ा मत्ता लाह होग- केन्द्री कैबिनेट नै कल लौहकी पन-बिजली विकास योजना SHP गी मंजूरी देई दिती। इस स्कीमै ताई 2 जहार 584 करोड़ 60 लकख रुपे दा बजट रखेया गेआ ऐ। एदे कन्नै 1500 MW दी समर्था आहले प्रोजैक्ट लाए जागंन। इस स्कीम कन्नै टकोहदे तौरा पर उत्तर पूर्वी राज्यें ते पहाड़ी राज्यें सनें उनें जिलें गी फायदा होग- जिंदी सरहद अंतराष्ट्रीय बन्नै कन्नै लग्गदी ऐ। कैबिनेट दी इक्क बैठक मगरा जारी कीते गेदे इक्क ब्यानै च गलाया गया ऐ जे प्रधानमंत्री नरेन्द्र मोदी हुंदी प्रधानता च लग्गी दी कैबिनेट दी बैठक च ए फैसला लेता गेआ जे तकरीबन 1500 MW स्वच्छ ऊर्जा समर्थ विकसित करने ताई बनाई गेदी 2 जहार 585 करोड़ रुपें दी नमीं स्कीम तैहत लौहकियें पन-बिजली परियोजनाएं गी मदाद दे तौरा पर प्रोजैक्ट दी लागत दा 30 प्रतिशत तग्गर जां फी MW 3 करोड़ 60 लकख रुपे तग्गर दी रकम दिती जाग। अधिकारियें इस स्कीम गी जम्मू-कश्मीर ते लद्दाख, दौने केन्द्र शासित प्रदेशें लेई मती उत्साह आहली दस्सेया ते गलाया जे एदे कन्नै उनेंगी माली तौरा पर आत्मनिर्भर बनने च मदाद होग। ए स्कीम भारत दे उस मकसद गी बी बल दिंदी ऐ जेदे तैहत जम्मू-कश्मीर ते लद्दाख च दरेयाएं दे पानी गी देसै दी हद दे अंदर गै रखना ते उसी पाकिस्तान बकखी जाने थमां

रोकना ऐ। स्पेशल पुलस ट्रेनिंग स्कूल कठुआ नै ढिजिटल सबूतें गी संभालने पर अपना दो दिनी टकोहदा कोर्स कामयाबी कन्ने पूरा करी लैता ऐ। एह संस्थान च बक्ख-बक्ख विशें पर आयोजित कीते जा'रदे कोर्स दी चला'रदी लड़ी दा 8मां कार्यक्रम हा। ट्रेनिंग स्कूल दियां प्रिंसीपल एस.एस.पी मंजीत कौर होरें बिहार दी मन्नी-परमन्नी दी साइबर कन्नू माहिर अंतरा झा हुंदा सिखलाई देने लेई धन्नवाद कीता।

<><><><><><>

BJP-Assam

भारती जनता पार्टी नै असम विधानसभा चुनांस लेई 88एं मेदवारें दी अपनी पैहली फेहरिस्त जारी कीती ऐ। मुखमंत्री ढॉक्टर हेमंता बिस्वा सरमा जालुकबारी चुनांस हल्के थमां चुनांस लड़डन जिसलै के साबका लोकसभा सांसद ढॉ. राजदीप राय, सिलचर थमां चुनांस लड़डन। मौजूदा राज्यसभा सांसद रामेश्वर तेली दुलियाजान सीट थमां चुनांस मैदान च उतरडन। भारती जनता पार्टी दे साबका राज्याध्यक्ष रणजीत कुमार दास भवानीपुर-सोभोग सीटै थमां ते इसले दी विधानसभा दे अध्यक्ष बिस्वजीत ढाइमरी, तामुलपुर निर्वाचन क्षेत्र थमां चुनांस लड़डन। असम च विधानसभा चुनांस 9 अप्रैल गी इक्कै चरण च होडन।

<><><><><><>

BJP-Keralam

भारती जनता पार्टी नै 9 अप्रैल गी होने आहले केरल विधानसभा चुनाएं लेई 39एं मेदवारें दी अपनी दुई फेहरिस्त जारी कीती ऐ। पार्टी दे साबका प्रदेशाध्यक्ष कुम्मनम राजशेखरन, आरनमुड़ा सीटै थमां चुनांस लड़डन। अश्विनी एमएलए होरें गी कासरगोढ थमां रेणु सुरेश होरें गी कौंगढ़ थमां ते बी. राधाकृष्णव मेनन होरें गी चंगगशगेरी थमां चुनां मैदान च तोआरेआ गेआ ऐ।

<><><><><><>

BJP-List WB

भारती जनता पार्टी नै पच्छिम बंगाल च होने आहले असंबली चुनाएं लेई 111एं मेदवारें दी फेहरिस्त जारी कीती ऐ। जिंदे च साबका केंद्री मंत्री निसिथ प्रमाणिक, साबका राज्यसभा सांसद रूपा गांगुली, साबका हॉकी खढारी भारत छेत्री शामिल न। पच्छिम

केंद्र शासित प्रदेश दे केई सारे हिस्सें च बरखा ते बर्फबारी होने करी तापमान च खासी गिरावट आई ऐ। बरखा ते बर्फबारी करी यातायात बी प्रभावित होआ ऐ। जम्मू खिते दे मैदानी इलाके च हल्की थमां दरम्याने दर्जे दी बरखा दर्ज कीती गेई ऐ जिसले कि उच्चिएं धारें पर बर्फबारी होई ऐ जेदे मगरा तापमान च खासी गिरावट आई ऐ। रामबन जिले, किशतवाड़, सिंथन टॉप, मढ़वा, वारवान च बी बर्फबारी होई ऐ। तोआई, जम्मू, साम्बा, कठुआ ते रियासी च बी बरखा पेई ऐ। उच्चिएं धारें पर बर्फबारी होआ'रदी ऐ। एहदे चलदे तापमान च खासी कमी दर्ज कीती गेई ऐ।

<><><><><><><>